



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13) i Prijedloga odluke Vlade Brčko distrikta BiH, broj predmeta: 02-000077/20, broj akta: 01.11-1273IL-004/20 od 22. 4. 2020. godine, Skupština Brčko distrikta BiH na 18. vanrednoj sjednici održanoj 24. aprila 2020. godine, donosi

ODLUKU O ODOBRAVANJU IZDVAJANJA NOVČANIH SREDSTAVA

Član 1

Odobrava se izdvajanje novčanih sredstava u ukupnom iznosu od 140.000,00 KM iz sredstava rezervi Budžeta Brčko distrikta BiH za 2020. godinu, organizacioni kod 29010001 u svrhu pomoći u radu i aktivnostima Crvenog krsta/križa Brčko distrikta BiH, i to:

- Iznos od 100.000,00 KM za pomoć u radu zbog povećanog obima aktivnosti i očuvanja likvidnosti, a usljed nemogućnosti ostvarivanja vlastitih prihoda zbog uvođenja mjera te djelimične zabrane rada;
- Iznos od 40.000,00 KM za nabavku namirnica i lijekova za osobe u karantinu, izolaciji, samoizolaciji, trijažnom šatorskom naselju, osobama koje su u povećanom riziku od obolijevanja virusom COVID-19 i osobama u potrebi tokom trajanja krize, kao i osiguranja dnevne ishrane za volontere (za mjesec april i maj).

Član 2

Za realizaciju ove odluke zadužuju se Vlada Brčko distrikta BiH i Direkcija za finansije Brčko distrikta BiH.

Član 3

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -853/20

Brčko, 24. 4. 2020. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Crvenom krstu/križu Brčko distrikta BiH
5. Direkciji za finansije
6. Sektoru za opće poslove i strateško planiranje
7. Arhivi